

KALE HIZKERA

Euskara garbia da, nahi duenean.
Bai lizun askoa ere, kalekoa, basa, gizakiaren zuloetatik datorrena.
Euskarak badu izerditik, listutik, odoletik, uzkerretik, jario likitsetik.
Gure hiztegia sortuko dugu. Hitz ederrez, hitz itsusiz, berba tristez eta euforikoz josia.
Erabili eta bota ditzakegu gero Euskararen Eguneko leloetan, umore esketxetan,
piropopostan, lehiaketa zein pegatinetan.
Aska ditzagun segurtasun uhalak!





**Sustrai
Colina**
Akordarrementeria



PIROPO SORTA



Doinua:

*Kontu barri bat suzedidu da II
Kopla handia*

Maiteminduta gauzkan horri, tori piropo sorta, azukre-eztitan lika-lika eginda.

Zure irriak esnatzen ditu
zaborrontziak **loretan**,
izotz-mendiak palmondopean
eta zebra **koloretan**.

Zure ezpainen ortzadarrezko
bihotz baten forma **dute**:
zure hortzetako aparatua
konpartitu nahiko **nuke**.

Semaforoko panpina banintz
gurutzatzean **karrika**
gorritu gabe zure atzetik
joango nintzake **korrika**.

Estudiatzen ukondorik ez
dut urratu ohi **mahaietan**
zuri so egon ahal izateko
azterketa **garaietan**.

Zu bazinake ogia eta
ni ontza bat **txokolate**
ez al nintzake zugan urtuko
Nutella bihurtu **arte**?

Pagari ere uko egiten
diot aspaldi **honetan**
zure irudia agertu arte
billete ta **txanponetan**.

Segapotoko zure pantaila
izan nahi nuke **lantzean**
emotikono bat sentitzeko
zure hatzek **laztantean**.

Nahiz orain arte karanbola bat
zen ilargi **eklipsea**
orain nahikoa da zu gauetan
komunera **jaikitzea**.



LORE KOPLAK



Ixiar
Eizagirre
Kerejeta



Doinua:

Negu partean mizpira

Hiru puntuko kopla

Maiteminduta nagola
borborka daukat odola
zergatik segi argia ordaintzen?
Zu zara nire lberdrola!

Zu zaitut gailurra, maite
zure baietza bitarte
Everestera oxigenorik
gabe igoko nintzake.

Ausardia dut bertute
zure muxu baten truke
liztor asiaticoen erlautzan
sudurra sartuko nuke.

Egin behar bada borroka
ausarta naiz, bost inporta
nik erraz hilko nuke zuegatik
balea txankletazoka.

Zientziak frogatu bezela
jabetu gara horrela
aldaketa klimatikoaren
arrazoia zeu zarela.

Emaidazu guraizea
urra dezadan haizea
Eguzki banintz, ta zu llargi
ze maitasun eklipsea.

Etsitzear nago zinez
zugana heldu ezinez
zure begiak itsaso dira
ta nik igeri jakin ez!

Espaloian zoazela
banilla eta kanela
gero esango dute loreek
ibiltzen ez dakitela.

Horren guapo, hain perfektu
mister nazioarteko...
Esan zein duzun zure izena
Olentzerori eskatzeko.

Nola zaitudan hain laket
seguru esan dezaket
zu xagu ta ni katu bagina
libre utziko zintuzket.



**Ane
Labaka
Mayoz**



BILUZIK



Doinua:
Egunsenti batean
Neurri berezia

Inoiz bota al diogu piroporik geure buruari?
Ispiluaren aurrean bakarrik gaudela, zer esaten diogu geure islari?
Maitasun begiekin ikusten al dugu geure gorputza?

Ez dago konplexurik ez duen gorputzik minduko ez zuena zenbait hitz itsusik nahiz berez ez daukadan keinu harroputzik gaur nire ausardia izango du gutxi... Bakarrik bada ere ez sentitzeko hutsik ispiluaren aurrean jarri naiz biluzik.

Ispiluz bestaldeko horrek zerbait dauka... la pentsatu gabe esan diot: "Aupa, zure orbitan izan nahi dut astronauta mila izarren artean zuretzat bat hauta... Zurekin maitemindu al ninteke gauka? Zure edertasunak itsututa nauka".

"Zurekin hautsi nahiko nuke araudia eraikiz biok batzen gaituen zubia. Harribitxi bazina zinake "rubia" frutetan gerezia edo marrubia. Museo baterako a ze irudia... zure ezpainak eta zure ipurdia".

"Behingoz egin dugunez parez pare topo gorritu nahi zintuzket piropoz piropo... Batzutan maite zaitut bestetan gorroto nire pozoinentzako zaitut antidoto. Zugatik, zaitudanez benetan gustoko, koplaren baten bi aldiz egingo dut pota".

"Perfume usaineko zure izerdia, daukazun bizipoza eta energia... Ez naiz pareta galdu duen galtzerdia konpromezuak sortu ohi dit alergia hasi bedi elkarren arteko derbia zu naizelako nire laranja erdia".

"Zure ondoan egon nahiko luke nornahik denok desio dugu ausarta den norbait. Ez bazaitu asetzen hainbat lore alaik isilik egongo naiz ez zaitezten gogait Instagramen jarriko dizkizut mila "like" zu gabe bizitza ezinezkoa zait".



Gorputza aldatzen joaten da bizitzan zehar, dena aldatzen den bezalaxe.

Gorputz guztiek dute beren edertasuna.

Hautzaroko, gaztaroko eta zahartzaroko gorputzetatik zer da gehien atsegin zaiguna?



NERABEZARO BETEAN



Unai
Iturriaga
Zugaza- Artaza



Doinua:

Baserrian jaio nintzan

Neurri berezia

Bizitzan dena ez da lore eta edertasun...

Nerabezaro betean
eta nortasun krisian
galtzerdi baten zulotik
munduari ihesian
"Hemen nago!" bat gatibu
hortzek osatu hesian
flan baten sendotasunez
eguneroko bizian
pila bako robot bat naiz
hemen jaiki ta jausi han
horren lekuz kanpo nola
traktore bat poesian
txakur gorotz bat airean
grabitate gabezia
orbitatik kanpo nabil
DBH Galaxian.

Ta nire gorputz hau zer da?
Goma2a, dinamita?
Hormonen ring-ean lehian
fisika eta kimika.
Burua eta gorputza
kuter batez ebakita
sentitzen naiz inon ondo
itsasten ez den Post-ita
galtzontzilo bat lurrean
fosiltzeraino utzita
kulero bat goi-tentsio
kable baten eskegita
maniki bat bezain zatar
harri bat bezain polita
ez egin barre berdintsu
gabiltzala badakit-ta.

Nor ez da sentitu inoiz
lurreko txikleen pare?
Euli bat mokordo baten
sagar batean zizare
puzker bat *blowing in the wind*
wifi bidez sare sare
toki guztietan traba
egiten duen zutabe.
Sudurra pintzaz itxita
edan behar den edabe
hori omen da bizitza
ta gu bizitzan nerabe
erabat maite ez dugun
geure buruaren jabe
elkar onartuko dugun
esperantza galdu gabe.



Azpimarratu ditzagun bertsoetan gehien gustatu zaizkigun esapideak.

UMORE GANBERROA

Mekabenzotzak eta sentimendu marroiak adierazteko modu berriak asmatuko ditugu, umoretik. Baina adi: umorea nondik egiten dugun zainduko dugu, elkarrekin barre egin dezagun, eta ez inoren bizkar. Elkarrekin barre egiten dugunean lagun sentitzen gara, eta umorea askatzailea izaten da. Inoren bizkar barre egiten dugunean, minduta sentitzen gara, eta umorea baztertzailea izaten da.

ZERA BAINO ZERAGO

 Lotu dezagun esaldi bakoitza dagokion bukaerarekin:

- Zakur berde bat perillarekin BAINO... 1 zaharragoa
- Harri-jasotzaile bat watsappa idazten BAINO ... 2 itsusiagoa
- Jesukristoren amona BAINO ... 3 lehunagoa
- Bost ume jaioberriren ipurdiak BAINO... 4 lehorragoa
- Ehun urteko dortoka makuluekin BAINO... 5 motelagoa
- Espermatzoide bat Red Bull edanda BAINO... 6 arraragoa
- Putrearen azazkalak BAINO... 7 zailagoa
- Auzoko mozkorrak sagardotegian muztioa eskatzea BAINO... 8 baldarragoa
- Supermanen maila gaineko galtzontzillo gorriak BAINO... 9 erridikuluagoa
- Pintxo-poteko azken xerra enpanatua BAINO... 10 azkarragoa

 Asma ditzagun orain guk ZERA BAINO ZERAGOKOAK!

- BAINO zimurragoa
-BAINO errazagoa
-BAINO arriskutsuagoa
-BAINO aspergarriagoa
- BAINO harroputzagoa

ANTZARAK FERRATZERA

Inor *pikutara bidaltzeko*, sortu ditzagun molde berriak!

ZOAZ...

- Txirritari bi alkandorak plantxatzera!
- Txanogorritxorekin loreak biltzera!
- Angulak orraztera!
- Asegarcera, pilotak ukitzera!
- Infernura, eta gasolina eraman!
- Eiffeleko orratz puntara, oinutsik, eta eman pauso bat aurrerantz!
-
-

TITIETARAINO NAGO!

Kokoteraino gaudela, nola esan?

- Txirlako tximetaraino nago!
- Kivietaino nago!
- Matxixako puntaraino nago!
- Altzürüküko azkenengo ü-raino nago!
-
-

IKUSIKO DUN/K!

NIK HARRAPATZEAN...

- kenduko dizkizut bizkarreko hotzak!
- joango zaizkizu sasi arteko azkurak!
- emango dizudan belarrondokoarekin, paretak emango dizu bigarrena!
- potroak espartzu sokaz lotu, eta Iturengo joaldunetara bidaliko zaitut, antxintxika!
- nork-nori-nor tabla osoa erreparatuko dizut!
- begirik gabeko emotikono bat izango da zure aurpegia!
-
-

PIROPOPOSTA!

Jar gaitezen Bilintx. Piropoak asmatuko ditugu.
Molde bat har genezake eredu, eta tankerakoa asmatzen saiatu.
Bestela, libre-libre!

ZUGATIK...

Zugatik balea bat hilko nuke txankletazoka.

.....

ZU ZARA NIRE...

Zu zara nire Iberdrola!

.....

ZU ZARA...

Zu zara aldaketa klimatikoaren arrazoia.

.....

ZU BAZINA A ETA NI BANINTZ B...

Zu eguzkia bazina eta ni ilargia, a zer maitasun eklipsea!

.....

NI X BANINTZ...

Kakalardo pilotagilea banintz, egun osoa zuri bueltaka pasako nuke.

.....

ZU X BAZINA...

Zu kurriloa bazina eta migratuko bazenu, zurekin joango nintzateke hegan.

.....

ERRIMATUZ

Goxo-goxo, panpoxo

.....

ESAERA ZAHARRAK BERRITUZ

Zaudenean bonbon, ez zaudenean neu konpon.

.....

LIBRE-LIBREANI!

.....

.....

.....

.....

.....

.....




Hara hemen bi egoera. Patxi Gallegok asmatu du piropoak eta *kabenzotzak* marrazkiz esaten. Ea guk asmatzen dugun azpigituluak jartzen!



.....

.....

.....



.....

.....

.....